



3. maj 2022

UPA 2022/37

**Matumuuna siunnersuutigaa Naalackersuisut peqquneqassasut Danskit Naalackersuisuinut saaffinneqqullugit Kangaatsiami piaartumik politeqarfeqalernissaanik noqqaassuteqaqqullugit.** (Inatsisartunut ilaasortaq Hans Aronsen, Inuit Ataqtigiit)

Inuiaat kalaallit inatsisitigut illersugaanerisa qulakkeersimajuarnissaa pingaaruteqarluinnartuusoq Siumumi isumaqarpugut. Inuiaqtigiit amerlasuutigut inatsisitigut pitsaanutsumik illersugaaffeqarnerulersimanagerat ukiuni kingullerni piviusunngortinneqaqattaartoq eqqarsaatigalugu Siumumi naammagisimaarinninnerput oqariartuutigerusupparput, tassungali killigata suli pitsanngorsaaqqinnissanut aqquutissieqataarusunnerput suleqataarusunnerpullu ingerlariaqqiffigerusukkatsigu matumuuna aallarniutigalugu oqaatigeriisavarput.

Ilisimasatsituut Inatsisinik atuutsitsinnermut oqartussaaffik Naalagaaffiup ataani suli inissisimavoq, taamaammallu suliassanut taakkununga tunngasut Naalagaaffeqatigiinnermi Oqartussaasut sularisarpaat nunatsinni Inatsisartut Naalackersuisullu peqatiginerisigut.

Siumup pingaartippaa nunatsinni innuttaasut kikkugaluartulluunniit toqqissisimasumik avatangiiseqarlutik inooqataanissaat, taamaammallu inatsisinik atortitsinnermut suliassaqrifiup iluani pitsanngorsaaqarfiureeraluurtumi suli pitsanngorsaatissanik iliuuseqaqataanissaq Siumumi tikilluaqqullugulu suleqataaffiguarusukkatsigu oqaatigissavarputtaaq.

Nunatsinni pingaartumik illoqarfinni mikinerusuni politeeqarnikkut inissisimanagerup ilungersunartumut inissikkiartorneranut Siumumiit arajutsisaqarsimanagerinnerput piffissami kingullermi oqariartuutigiuarparput, isumaqarattami sinerissami politeeqarfeqarfiit arlalissuit inuttaqassutsikkut annikilleriaateqarsimasut, taamaalilluni innuttaasut toqqissisimanagerunissamik aammalu sullilluarneqarnissamik pisinnaatitaaffii apeqquersanillutik ilumut suli ingerlanneqarnersut.

Ukiarmi tusagassiuutitigut Kangaatsiap politeeqarfeqalersinnaanera sammeneqarmat Siumumiit ersarilluinnartumik oqariartuutigaarput illoqarfiit allat assigalugit Kangaatsiap politeeqarfeqartariaqartoq, tamannalu Siumumiit attapparput.

Inatsisinut ataatsimiititaliaq ungasinngitsumi nunatsinni politimesteri nalinginnaasumik sulianut paasissutissiinerani ataatsimeeqatigaa, ataatsimeeqatigiinnermilu ilaatigut paasisaqarfigerusullugu politimesteri apeqquteqarfigaara nunatsinni politeeqarnerup inissisimanagera qanoq isumaqarfigineraa, ilaatigut Kangaatsiap politeeqalersinnaanera aamma ilanngullugu.

Politimesterip suliat annertugisassaanagerinneri pissutigalugit Kangaatsiami politeeqarfeqalersinnaaneq annertunerusumik tapersorsinnaanagu oqariartuuteqarpoq, tamannalu Siumumiit uggornartutut isigaarput.

Nunatsinni illoqarfiit sutigut tamatigut naligiimmik ineriartortinneqarnissaat siunertarigaanni Siumumiit pissusissamisoortutut isigaarput Kangaatsiami politeeqarfeqalertariaqartoq. Politiit tunngaviumik



suliassaraat innuttaasut akornanni toqqissisimasoqarnissaa  
pissuserissaartoqarnissaalu, tamannalu illoqarfinni tamaginni  
qulakkeerneaqartariaqartoq Siumumi isumaqarpugut.

Innuttaasut arlalissuit ajoraluartumik oqariartuutigisarpaat politiit saqquminngippallaartut, tamannalu ajuusaarnaraluaqisumik piviusuusoq politeeqarfiit ataasiakkaat paasisutissiissutigisarpaat. Tamanna toqqissisimanangilaq allanngortoqartariaqarporlu. Illoqarfinni politeeqarneq siornatigutuulli nukittorsaqqittariaqarpoq, kiisalu illoqarfiit tamarluinnarmik politeeqarnissaannik isuma aalajangiiffigisariaqartoq Oqartussanullu anngunneqartariaqartoq Siumumi isumaqarpugut, taamaalilluni Kangaatsiaq illoqarfiit allat assigalugit politeeqarfeqalernissaa politeeqalernissaalu qulakkeerneaqarluni.

Siumumiit taamatut oqaaseqarluta siunnersuut aappassaaneerneaqartinnani Inatsisinut ataatsimiititaliami suliarineqarluni pinissaa innersuussutigaarput.

Anders Olsen, Siumut.